

**UGOVOR**  
**o pružanju usluga izdavanja potvrda o vlasništvu vrijednosnih papira**  
**Broj: 20-11-41954-2/20**

Zaključen u Sarajevu 28.10.2020. godine, između:

1. **Ured za borbu protiv korupcije i upravljanje kvalitetom Kantona Sarajevo, Reisa Džemaludina Čauševića broj: 1, ID broj 4200990200002, kojeg zastupa Šef Ureda Erduan Kafedžić, kao Naručilac usluga, (u daljem tekstu: Naručilac usluga) i**
2. **Registar vrijednosnih papira u FBiH d.d. Sarajevo, Maršala Tita broj: 62/II, ID broj 4200132810005, kojeg zastupa direktor Đure Obradović, kao Izvršilac usluga, (u daljem tekstu: Izvršilac usluga)**

**Član 1.**

Predmet ovog ugovora je pružanje usluga izdavanja potvrda o vlasništvu vrijednosnih papira, za 20 nosioca javnih funkcija u Kantonu Sarajevo, prema uslovima i odredbama ovog Ugovora i na osnovu važeće Odluke o naknadama za usluge Registra vrijednosnih papira u FBiH d.d. Sarajevo („Sl. novine FBiH“, br. 8/2010, 64/2010, 31/2012, 38/2013, 35/2016 i 58/2018) (u daljem tekstu: Odluka o naknadama za usluge Registra).

Ugovor se zaključuje na osnovu Odluke o pokretanju postupka javne nabavke pružanja usluga izdavanja potvrda o vlasništvu vrijednosnih papira, za 20 nosioca javnih funkcija u Kantonu Sarajevo, koji je izuzet od primjene odredbi Zakona o javnim nabavkama i dodjeli ugovora izabranom ponuđaču, broj: 20-11-41954-1/20 od 27.10.2020. godine, za ponuđača Registar vrijednosnih papira u FBiH d.d. Sarajevo, za realizaciju usluga izdavanja potvrda o vlasništvu vrijednosnih papira, za 20 nosioca javnih funkcija u Kantonu Sarajevo.

Postupak nabavke proveden je u skladu sa Zakonom o javnim nabavkama („Službeni glasnik BiH“ broj 39/14).

**Član 2.**

Usluge iz člana 1. ovog ugovora odnose se na izdavanja potvrda o vlasništvu vrijednosnih papira, za 20 nosioca javnih funkcija u Kantonu Sarajevo.

**Član 3 .**

Ugovorne strane konstatuju da će Registar na osnovu dostavljenog zahtjeva, Uredu dostaviti potvrdu sa podacima kako slijedi:

1. Naziv emitenta;
2. Oznaka vrijednosnog papira;
3. Slobodno prenosivi vrijednosni papira;
4. Opterećeni vrijednosni papiri;
5. Nominalna vrijednost u KM.

Svi podaci koje Registar dostavlja su strogo povjerljivi u skladu sa Zakonom o tržištu vrijednosnih papira („Službene novine F BiH“ broj 85/08, 109/12, 86/15, 25/17) i Pravilima Registra vrijednosnih papira u Federaciji BiH, broj: 04-1-NO-32-14256/15 od 18.11.2015. godine („Službene novine F

BiH“ broj 94/15). Ukoliko podatke iz potvrde koristi neovlaštena osoba, za sve posljedice koje proizađu iz neovlaštenog korištenja odgovara odgovorna osoba Ureda.

#### Član 4.

Usluge iz člana 2. ovog ugovora izvršit će se na osnovu važeće Odluke o naknadama za usluge Registra, te na osnovu utvrđenih potreba Naručioca usluga, u vrijednosti od:

Ukupna cijena bez PDV-a:	200,00 KM
PDV 17%:	0,00 KM
<b>Ukupna cijena sa PDV-om:</b>	<b>200,00 KM</b>
Slovima: dvjesto KM	

Saglasno članu 25. tačka 4..c) i d) Zakona o Porezu na dodatu vrijednost i člana 35. tačka 3. Pravilnika o primjeni Zakona o porezu na dodatu vrijednost, Registar vrijednosnih papira FBiH d.d. Sarajevo je oslobođen plaćanja poreza na dodatu vrijednost.

#### Član 5.

Naručilac usluga će plaćanje iznosa iz člana 3. ovog ugovora izvršiti u roku od trideset (30) dana nakon zaprimanja fakture za izvršenu uslugu od strane Registra vrijednosnih papira u FBiH d.d. Sarajevo.

#### Član 6.

Izvršilac usluga je dužan da usluge iz člana 2. ovog ugovora izvrši stručno i kvalitetno, prema važećoj Odluci o naknadama za usluge Registra.

Realizacija ugovorenih usluga izvršavat će se sukcesivno prema potrebi, uz prethodno dostavljanje zahtjeva od strane Naručioca usluga.

Po obavijesti Izvršioca usluga o sukcesivno izvršenoj usluzi, potvrde o vlasništvu vrijednosnih papira preuzimat će ovlašteni zaposlenik Naručioca usluga u službenim prostorijama Izvršioca usluga na osnovu posebne punomoći izdate od rukovodioca Ureda.

Naručilac usluga će postupati sa podacima koje mu izvršilac usluga dostavi u skladu sa Zakonom o zaštiti ličnih podataka („Službeni glasnik BiH“, br. 49/06, 76/11 i 89/11) te je obavezan da preduzima sve mjere koje su neophodne za provođenje ovog Zakona i drugih propisa u vezi sa zaštitom i tajnošću podataka.

#### Član 7.

Ugovorne strane su saglasne da sve eventualne sporove rješavaju međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješavanje spora nadležan je sud u Sarajevu.

Ovaj ugovor je zaključen prema važećoj Odluci o naknadama za usluge Registra. U slučaju da dođe do izmjene navedene Odluke, Izvršilac usluga je dužan o tome pismeno obavijestiti Naručioca usluga, nakon čega se ovaj ugovor raskida i pokreće se procedura zaključivanja novog ugovora.

#### Član 8.

Na odnose između ugovorenih strana koji nisu određeni ovim ugovorom, primjenjuju se odredbe Zakona o obligacionim odnosima.

Član 9.

Svaka od ugovornih strana može jednostrano raskinuti ovaj ugovor dostavljanjem pismene obavijesti drugoj strani sa otkaznim rokom od 15 (petnaest) dana koji se računa od prijema obavijesti.


Član 10.

Ugovor stupa na snagu danom potpisivanja od strane ovlaštenih lica ugovornih strana.

Član 11.

Ovaj ugovor sačinjen je u 4 (četiri) istovjetna primjerka od kojih po 2 (dva) primjerka za svoje potrebe zadržava svaka ugovorna strana.

**NARUČILAC USLUGA:**  
**Ured za borbu protiv korupcije i**  
**upravljanje kvalitetom Kantona Sarajevo**



**IZVRŠILAC USLUGA:**  
**Registar vrijednosnih papira**  
**u FBiH d.d. Sarajevo**

